



Publicaziuns dalla vischnaunca, jamna 26

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

Nr. 2018 – 2047.000

Christian Maissen-Duss, Wisplätz 2, 8595 Altnau; sanaziun dil plaz avon garascha, parcella 1274, Via Acletta 41, 7180 Disentis/Mustér

Nr. 2018 – 2050.000

Rita e Corsin Huonder-Tenner, Via Clavaniev 1, 7180 Disentis/Mustér; niev indrez fotovoltaic, parcella 2288, Via Clavaniev 1, 7180 Disentis/Mustér.

Nr. 2018 – 2051.000

Monica e Robert Cajacob-Candinas, Via Lucmagn 3A, 7180 Disentis/Mustér; remplazzament digl indrez fotovoltaic tier la tegia da mises, parcella 3291, Mises Candinas, 7180 Disentis/Mustér.
Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Uffeci da baghegiar Disentis/Mustér

Controlla da habitonts

Sebasond sin art. 13 entochen 17 dalla lescha cantunala davart ils registers d'habitontas e d'habitonts e davart ulteriurs registers da personas e d'objects, supplichein nus da risguardar sundontas prescripziuns:

Obligaziun d'annunzia/deponer las scartiras

Tgi che pren domicil en nossa vischnaunca ha d'annunziar si'arrivada enteifer 14 dis tier la controlla da habitonts Disentis/Mustér. Per l'annunzia ei da deponer il scret da patria ni en cass motivai sco dimorant durant l'jamna in attest da domicil.

Per personas ch'ein buca da naziunalitad svizra ein il passaport ni la carta d'identitad, ina confirmaziun dalla cassa da malsaus svizra e sche gia avon maun, la lubientscha da jasters, necessaris.

Partenza/midadas d'adresses

Persunas che bandunan nossa vischnaunca ein obligadas d'annunziar lur partenza **ordavon** cun retrer lur scartiras tier l'administraziun communal. El medem mument ei la retschevida dallas scartiras da returnar. Midadas d'adresa enteifer la vischnaunca ein d'annunziar all'administraziun communal enteifer 14 dis. Questa obligaziun d'annunzia vala era per midar adresa enteifer il medem edifeci.

Locataris

Locataris da habitaziuns e casas ein obligai d'annunziar mintg'arrivada ni partenza d'affittaders enteifer 14 dis all'administraziun communal.

Commerci

Tgi ch'arva ni siara ina fatschenta ni in menaschi commercial ei obligaus d'annunziar quei fatg enteifer 14 dis all'administraziun communal.

Lubientscha da jasters

Persunas digl exterior ston inoltrar ad uras all'administraziun communal la damonda da prolungir la lubientscha da dimora.

Formulars

Differents formulars per far las annunzias alla controlla da habitonts anfleis Vus sin nossa pagina d'internet www.disentis.ch/downloads/spurtegl-virtual/controladahabitonts/
Bien engraziament per Vossa cooperaziun.

Administraziun communal Disentis/Mustér



Temps da vacanzas

Ein ils documents da viadi aunc valeivels?

Tgi che planisescha da passentar vacanzas egl exteriur, vegn supplicaus d'examinar ad uras ils documents da viadi. Per l'emissiun dils documents sto vegnir quintau cun in temps da spetga d'entochen 15 dis. Nus appellein da far quella controlla, buca che las vacanzas entscheivien cun dagrettas. Per ulteriur sclariment stat il persunal dall'administraziun communal a Vossa disposiziun.

Administraziun communal

Ludoteca Disentis/Mustér

Duront las vacanzas da stad ei la ludoteca serrada la gievgia suentermiezdi.

«Donnschtig-Jass» dils 2 d'uost 2018 – Preavis

(sch'ils 26-7-2018 porta la victoria als jassists da Disentis/Mustér)
Preziadas convischinas, preziai convischins

Nus tuts sperein ch'ils jassists da nossa vischnaunca hagian success ils 26 da fenadur 2018 ad Elgg ni Oberrieden, sinaquei che l'emissiun da SRF «Donnschtig-Jass» dils 2 d'uost 2018 hagi liug a Disentis/Mustér. En connex cun l'emissiun da «Donnschtig-Jass» a Disentis/Mustér informein nus Vus suandamein:

Serrada dalla Via Cons/parcadis

Naven da **gliendisdis, ils 30 da fenadur 2018 entochen venderdis, ils 3 d'uost 2018** vegn la Via Cons serrada cumpleinamein da sutensi naven dalla Via Lucmagn entochen alla sbuccada dalla Via Sontga Gada. Cheutras ein era ils parcadis dalla vischnaunca q.v.d. parcadis Ualer, areal halla Cons, Retus e Columbin pertuccai. Per quei temps sa la vischnaunca metter a disposiziun negins parcadis. Pils vischins da Gonda e Dulezi exista ina pusseivladad da sviament sur la Via Alpsu–Via Cons. Igl access al Center da sanadad Puntreis sco era en cass d'urgenza ei garantius.

Canera/illuminaziun

Las lavurs preparatorias vegnan a caschunar canera e disturbis (lavurs dalla sera/notg 21.30/22.30/23.00). Ils 2 d'uost 2018 vegn la festivitad cun musica da sault e divertiment a cuzzar entochen mesanotg.

Illuminaziun per la sera dils 2 d'uost 2018

Nus envidein vischinas e vischins entuorn igl areal dalla casa da scola Cons sco era dil Center da sanadad Puntreis d'illuminar las casas naven dallas 19.30 entochen allas 22.00. Quei temps vegnan era tut las cazzolas dallas vias e dils baghetgs publics a glischar (cazzola reducida naven dallas 22.00).

Decoraziun

Tier mintga festivitad ei tutta decoraziun cun bandieras e flurs vid las casas ed il contuorn beinvegnida. Cheutras vegn dau la duida tempra da fiasta.

Pils 26 da fenadur 2018 giavischein nus a nos jassists bunas cartas, bien cletg e sin seveser a Disentis/Mustér. Nos jassists ein Clau Jacomet, Jacinta Jacomet, Benjamin Schuoler, Giulian Venzin e Silvio Giger.

Aschinavon che «Donnschtig-Jass» vegn buca emess ils 2 d'uost 2018 da Disentis/Mustér, ha tuttina liug quei di la fiasta naziunala 2018.

Nus engraziein a Vus gia oz per Vossa beinvulientscha e capientscha sco era per Vies sustegn.

Administraziun communal



Controlla da habitonts

Mortori

Rico Barandun-Decurtins, naschius ils 21 da matg 1947, morts ils 24 da zercladur 2018.

Naschientscha

Elia Lutz, naschius ils 18 da zercladur 2018, feagl da Nadja e Rico Lutz

Secziun da catschadurs Vallatscha

Tir liber

Liug: Mireia

Datum/Uras: Venderdis, 29-6-2018, 19.00–20.00

Ursin Venzin, president
